



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Descriptionis Baptizatorum Form. V.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Nati ex Parentibus incertis.

FORMULA II.

Die... mensis.... anni.... Ego N. Parochus Ecclesiæ N. baptizavi infantem natum in hac Civitate (vel alio loco) ex Parentibus incertis die.... hora.... (quatenus sciri potest) cui impositum fuit nomen N. Patrinus fuit N. in Parochia N. & Matrina N. Ex Parochia N.

Si autem sciatur Mater, scribatur nomen ejus, quatenus non adfit periculum infamię, cujus occasio semper tollenda est: Si verò infans fuisset expositus, neque constet per testes fuisse baptizatum, tunc scribatur in Libro, ut infra:

FORMULA III.

SUMMARIUM.

- 3 Expositi, an & quomodo sint baptizandi.
- 4 Quid agendum quando dubitatur de

validitate Baptismi.

- 5 Obstetrices debent esse instructæ, & approbatæ.
- 6 In collatione Baptismi adhibendæ sunt solemnitates, secluso periculo mortis; aliàs Baptizans peccat.

Die... mensis... anni... Ego N. Parochus Ecclesię N. loci N. baptizavi infantem expositum in loco N. repertum ibidem ab N. & verisimiliter natum tribus ab hinc diebus, cui impositum fuit nomen N. Patrinus fuit N. & Matrina N. ex hac mea Parochia. (vel alia.)

2. Expositi enim absolutè, & absque ulla conditione baptizandi sunt quoties est omnimoda ignoratio de collato Baptismo, nec ulla datur in oppositum probabilis conjectura: Si verò haberent appensam collo, vel in alia corporis parte schedulam, in qua esset scriptum recepif-

se Baptismum, tunc sub conditione baptizari deberent, ut communiter distinguunt DD. relati à Romaguer. ad Synod. Gerund. lib. 3. tit. 18. cap. 7. à n. 9. cum seqq.

Si infans fuisset Domi baptizatus ob periculum mortis, qui postea decessit, scribatur in Libro sic.

FORMULA IV.

Die... mensis.... anni... hora.... natus est infans filius legitimus, & naturalis N. & N. Conjugum hujus meæ Parochiæ, qui ob imminens periculum mortis postea secutæ baptizatus fuit Domi eorundem ab N. obstetrice approbata (vel alio) cui impositum fuit nomen N. Patrinus (vel Matrina) fuit N.

Si verò infans periculum mortis evasit, erit deferendus ad Ecclesiam, ut suppleantur cœremoniæ Ritualis, & tunc describatur in Libro sic.

FORMULA V.

Die... mensis... anni... natus est infans filius legitimus, & naturalis N. & N. Conjugum hujus meæ Parochiæ N. qui ob periculum mortis baptizatus fuit Domi dicta die ab Obstetric approbata, quo tamen postea evasit, & delatus ad Ecclesiam, Ego N. Parochus explevi cœremonias, & preces prescriptas

ptas à Ritual, & quia Domi non fuit illi impositum nomen, in Ecclesia per me impositum fuit nomen N. Patrinus Domi fuit N.

4. Quando autem dubitatur de validitate Baptismi, utpotè quia Obstetrix, vel alius baptizans in periculo mortis postea examinatus rectè formam non callere re-
pertus est, quia aqua elementaris, qua fuit usus, dubia est, aut ex alia simili causa, tunc erit infans rebaptizandus sub conditione, & partita Libri describenda, prout sequitur.

F O R M U L A VI.

Die . . . mensis . . . anni . . . hora . . . natus est infans filius legitimus, & naturalis N. & N. Conjugum hujus meæ Parochiæ N. qui ob periculum imminens mortis baptizatus fuit Domi ab N. & postea mortis discrimine evaso, delatus fuit ad hanc Ecclesiam Parochialem pro supplendis solitis cœremoniis; sed quia in examine per me diligenter habito dicti baptizantis super forma, & modo Baptismi per eum collati, dubitavi de illius validitate, ideò Ego N. Parochus baptizavi dictum infantem cum conditione -- *Si validè non es baptizatus &c.* nomenque imposui N. Patrinus fuit &c.

A D N O T A T I O N E S.

5. *AB OBSTETRICE APPROBATA.* Dicitur sic in Formula quinta, ut intelligat Parochus, quod nulla fœmina exercere debet officium Obstetricis, antequam sit benè instructa per eum circà formam, & materiam hujus Sacramenti, & ab Episcopo approbata, ut monet D. Carolus in *Concilio Provinciali* 5. quod refert Gavant. *Manual. Episcop. verb. Baptismus num. 26.* ut tradunt communiter DD. quos refert Romaguer. *ad Synodal. Gerund. lib. 3. tit. 18. cap. 2. num. 18.*

6. Additur quoque expressio imminens periculi mortis, ad demonstrandum, quod seclusa necessitate, & mortis periculo, in collatione Baptismi adhibendæ sunt solemnitates ab Ecclesia præscriptæ, alias baptizans sine illis graviter peccat; sic firmant DD. adducti à Romaguer. *loco mox citato num. 19. & 20.*

Cæterùm Parochus circumstantias notatas in Formulis nuper relatis apponere non contemnat, quia sæpè in probanda identitate personæ in successione, & aliis juribus multùm juvant.

Descriptionis Confirmati.

F O R M U L A VII.

Die . . . mensis . . . anni . . . N. Episcopus N. occasione *visitationis* Pontificaliter indutus ministravit solemniter Sacramentum Confirmationis in Ecclesia N. Terræ N. & fuerunt confirmati sequentes.

N. ætatis annorum . . . filius N. & N. Conjugum Parochiæ N. Patrinus fui N. filius N. Parochiæ N. loci N.

Et sic describantur mares separatim à fœminis in eodem Libro ordine alphabetico, exprimendo ætatem, & qualitatem Adultorum, præsertim si sint conjugati.